



ს ა ქ ა რ თ ვ ე ლ ო
სამტრედიის მუნიციპალიტეტის საკრებულო



ოქმი:ლ63.6321330001

თარიღი:26/11/2021

სამტრედიის მუნიციპალიტეტის საკრებულოს

ბიუროს რიგგარეშე სხდომის

ო ქ მ ი N 55

ქ. სამტრედია. 17 ნოემბერი, 2021 წელი.

2021 წლის 17 ნოემბერს, სამტრედიის მუნიციპალიტეტის საკრებულოს თავმჯდომარის, ნუგზარ ჯამბურიას, თავმჯდომარეობით ჩატარდა სამტრედიის მუნიციპალიტეტის საკრებულოს ბიუროს რიგგარეშე სხდომა.

სხდომას ესწრებოდნენ: ნუგზარ ჯამბურია, კობა ძიძიგური, მანანა სირბილაძე, შალვა არზუმანიანი, ბადრი შენგელია, მერაბ უღრელიძე, გიორგი ლეჟავა, ტარიელ დვალიშვილი, კამო კანდელაკი მ/შ.,

ბაია იმესაშვილი მ/შ.

სხდომის თავმჯდომარემ ბიუროს წევრებს გააცნო სხდომის დღის წესრიგი.

დღის წესრიგი

1. სამტრედიის მუნიციპალიტეტის საკრებულოში მერიიდან შემოსული წერილობითი მომართვების განხილვის შესახებ.

/მომხსენებელი: ნუგზარ ჯამბურია/

2. სხვადასხვა

კენჭისყრის შედეგად, (**10 ხმით**) მიღებულია დღის წესრიგი წარმოდგენილი სახით.

სხდომის თავმჯდომარემ, ნუგზარ ჯამბურია, ბიუროს წევრებს გააცნო ცენტრალური საარჩევნო კომისიის თავმჯდომარის, ბატონ გიორგი კალანდარიშვილის მომართვა: „როგორც მოგეხსენებათ, 2021 წლის 2 ოქტომბერს გაიმართა მუნიციპალიტეტის წარმომადგენლობითი ორგანოს - საკრებულოსა და თვითმმართველი ქალაქის/თვითმმართველი თემის მერის 2021

წლის 2 ოქტომბრის არჩევნების პირველი, ხოლო 30 ოქტომბერს - ამავე არჩევნების მეორე ტური. საქართველოს საარჩევნო ადმინისტრაციის სახელით მადლობას გიხდით, ზემოაღნიშნული არჩევნების ფარგლებში, თქვენი უწყებების მიერ გაწეული სამუშაოსა და ნაყოფიერი თანამშრომლობისთვის. იმედს გამოვთქვამთ, რომ ჩვენი თანამშრომლობა კიდევ უფრო გაღრმავდება და გვექნება არაერთი მნიშვნელოვანი საქმიანობის კომპეტენციის ფარგლებში ერთობლივად განხორციელების შესაძლებლობა. პატივისცემით, გიორგი კალანდარიშვილი კომისიის თავმჯდომარე”.

კოლეგებო, ეს ნამდვილად მისასალმებელი და სასიამოვნო ფაქტია, ჩვენც იმედს ვიტოვებთ, რომ თანამშრომლობა გაგრძელდება და ჩვენი მხრიდან ყველაფერს გაგაკეთებთ ერთობლივი მუშაობისათვის.

საკრებულოს თავმჯდომარემ აღნიშნა, რომ „მოგვეცა საშუალება მე-4 მოწვევის საკრებულომ დაიწყო განხილვა სამტრედიის მუნიციპალიტეტის 2022 წლის ბიუჯეტის. შესაბამისად წარმოდგენილია ა.(ა).ი.პ. -ებისა და შ.პ.ს.-ების 2022 წლის და მერიის სოციალური სამსახურის ბიუჯეტები. ჩვენი კომპეტენციის ფარგლებში თავი გაგვირთმევია მსგავსი თემატიკის საკითხებისათვის. იმედია დღესაც არ გვექნება რაიმე სახის პრობლემა. საკრებულოს ყველა კომისიის და ფრაქციის თავმჯდომარემ გულთან ახლოს მიიტანოს და კანონის შესაბამისად, განსაზღვრულ ვადებში, დროულად და ხარისხიანად მოახდინოს საკითხების შესწავლა. წარმოდგენილი იქნას განხილვის შედეგები, შენიშვნები ან წინადადებები, რომელიც გადაიგზავნება მუნიციპალიტეტის მერიაში შემდგომი რეაგირებისათვის. 2021 წლის 24 ნოემბერს, 12⁰⁰ სთ-ზე გაიმართება ბიუროს სხდომა, სადაც განხილული იქნება კომისიებისა და ფრაქციების შენიშვნები და წინადადებები. 25 ნოემბერს კი გაიგზავნება მიმართვა მერიაში. 2022 წლის ბიუჯეტის განხილვა და დამტკიცება, სავარაუდოდ, მოუწევს მე-5 მოწვევის საკრებულოს”.

მომხსენებელმა გააცნო განსახილველი საკითხები:

1. სამტრედიის მუნიციპალიტეტის მერის 2021 წლის 15 ნოემბრის N62-62213194 წერილობითი მომართვა, რომელიც ეხება, სამტრედიის მუნიციპალიტეტის ა. (ა).ი.პ.-ებისა და შ.პ.ს.-ების 2022 წლის ბიუჯეტის პროექტების საკრებულოს სხდომაზე განხილვისა და დამტკიცების საკითხს.

1. ა.(ა).ი.პ. „ სამტრედიის მუნიციპალიტეტის კომუნალური გაერთიანება”.
2. ა.(ა).ი.პ. სამტრედიის მუნიციპალიტეტის გამწვანებისა და კეთილმოწყობის გაერთიანება.
3. ა.(ა).ი.პ. სამტრედიის მუნიციპალიტეტის სკოლამდელი აღზრდის დაწესებულებათა (ბაღები და ბაგაბაღების) გაერთიანება.
4. ა.(ა).ი.პ. სამტრედიის მუნიციპალიტეტის მოსწავლე-ახალგაზრდობის სახლი.
5. ა.(ა).ი.პ. სამტრედიის მუნიციპალიტეტის საცხენოსნო სპორტული კლუბი.

6. ა.(ა).ი.პ. სამტრედიის მუნიციპალიტეტის კომპლექსური სპორტული სკოლა.
7. ა.(ა).ი.პ. სამტრედიის მუნიციპალიტეტის საფრენბურთო კლუბი "ჯიკო".
8. ა.(ა).ი.პ. სამტრედიის მუნიციპალიტეტის ხელბურთელთა კლუბი "სამტრედია".
9. შ.პ.ს. სპორტული კომპლექსი „სამტრედია“ .
10. ა.(ა).ი.პ. სამტრედიის მუნიციპალიტეტის საჭიდაო კლუბი "ფალავანი" .
11. ა.(ა).ი.პ. სამტრედიის მუნიციპალიტეტის დ.შანიძის სახ. N 1 სახელოვნებო სკოლა.
12. ა.(ა).ი.პ. სამტრედიის მუნიციპალიტეტის N 2 სამუსიკო სკოლა.
13. ა.(ა).ი.პ. სამტრედიის მუნიციპალიტეტის სოფელ ტოლების სამუსიკო სკოლა.
14. ა.(ა).ი.პ. სამტრედიის მუნიციპალიტეტის სოფელ დიდი ჯიხაიშის სახელოვნებო სკოლა
15. ა.(ა).ი.პ. სამტრედიის მუნიციპალიტეტის დაბა კულაშის სამუსიკო სკოლა.
16. ა.(ა).ი.პ. სამტრედიის მუნიციპალიტეტის გომის სამუსიკო სკოლა.
17. ა.(ა).ი.პ. სამტრედიის მუნიციპალიტეტის „სამხატვრო სკოლა-გალერეა“.
18. ა.(ა).ი.პ. სამტრედიის მუნიციპალიტეტის საბიბლიოთეკო გაერთიანება.
19. ა.(ა).ი.პ. სამტრედიის მუნიციპალიტეტის „ე.მანჯგალაძის სახელობის კულტურის ცენტრი“.
20. შ.პ.ს. სამტრედიის "მაცნე".
21. ა.(ა).ი.პ. სამტრედიის მუნიციპალიტეტის საინფორმაციო ცენტრი.
22. ა.(ა).ი.პ. სამტრედიის მუნიციპალიტეტის "საზოგადოებრივი ჯანდაცვის ცენტრი" .
23. ა.(ა).ი.პ. სამტრედიის მუნიციპალიტეტის "სათნოების" სახლი.
24. ა.(ა).ი.პ. სამტრედიის მუნიციპალიტეტის „სახლი თანადგომა“.
25. ა.(ა).ი.პ. სამტრედიის მუნიციპალიტეტის რაგბის კლუბი „ფენიქსი“.

(მომართვის N 62-62213194, 15/11/2021 წ. საკრებულოს რეგისტრაციის N 12-63213193-63, 15/11/2021 წ.)

კენჭისყრის შედეგად, ბიუროს წევრთა გადაწყვეტილებით, ძირითად განმხილველ კომისიად განისაზღვრა საფინანსო-საბიუჯეტო საკითხთა კომისია.

2. სამტრედიის მუნიციპალიტეტის მერის 2021 წლის 15 ნოემბრის N 62-62213193 წერილობითი მომართვა, რომელიც ეხება, სამტრედიის „მუნიციპალიტეტის

მერიის ჯანმრთელობისა და სოციალური დაცვის სამსახურის 2022 წლის მიზნობრივი სოციალური პროგრამა და სოციალური დახმარების გაცემის წესი“-ს (დანართი №1) და „2022 წლის მიზნობრივი სოციალური პროგრამის ღონისძიებათა ხარჯები“-ს (დანართი №2) პროგრამის პროექტის, მუნიციპალიტეტის საკრებულოს სხდომაზე განხილვისა და დამტკიცების საკითხს.

(მომართვის N 62-62213193, 15/11/2021 წ. საკრებულოს რეგისტრაციის N:12-63213192-63, 15/11/2021 წ.)

კენჭისყრის შედეგად, ბიუროს წევრთა გადაწყვეტილებით, ძირითად განმხილველ კომისიად განისაზღვრა საფინანსო-საბიუჯეტო საკითხთა კომისია.

3. სამტრედიის მუნიციპალიტეტის მერის 2021 წლის 15 ნოემბრის N 62-62213195 წერილობითი მომართვა, რომელიც ეხება, საქართველოს კანონის „საქართველოს საბიუჯეტო კოდექსი“-ს კარი IV, თავი XII, მუხლი 77-ისა და საქართველოს ორგანული კანონის „ადგილობრივი თვითმმართველობის კოდექსი“-ს 24-ე და 91-ე მუხლის პირველი პუნქტის შესაბამისად, სამტრედიის მუნიციპალიტეტის 2022 წლის ბიუჯეტის პროექტის განხილვისა და დამტკიცების საკითხს.

(მომართვის N 62-62213195, 15/11/2021 წ. საკრებულოს რეგისტრაციის N:12-63213194-63 15/11/2021 წ.)

კენჭისყრის შედეგად, ბიუროს წევრთა გადაწყვეტილებით, ძირითად განმხილველ კომისიად განისაზღვრა საფინანსო-საბიუჯეტო საკითხთა კომისია.

ამით, დღის წესრიგით გათვალისწინებული საკითხების განხილვა დასრულებულია.

სხდომის მდივანი: მაია ღოღობერიძე

ნუგზარ ჯამბურია

სამტრედიის მუნიციპალიტეტის საკრებულო-სამტრედიის მუნიციპალიტეტის საკრებულოს თავჯდომარე

გამოყენებულია კვალიფიციური ელექტრონული ხელმოწერა/ ელექტრონული შტამპი

